

甲左 丙武 戊藥 庚世 壬真 而各有合

大易性情各如其度黃老用究較而可御爐火之事真有所據
三道由一俱出徑路枝莖華葉果實垂布正在根株不失其素
誠心所言審而不誤象彼仲冬節竹木皆摧傷佐陽詰賈旅人
君深自藏象時順節令閉口不用談天道甚浩廣太玄無形容
虛寂不可觀匡郭以消亡謬誤失事緒言還自敗傷別序斯四
象以曉後生旨

此章補塞遺脫中存口訣隱而不露註者到此當體獲麟之
意況其戒云閉口不用談又云言還自敗傷一舉雙明其意
遠矣是書有大解脫有大神通若得聞是書蛇虎不能傷得

道藏輯要

參同契
上陽子注

全

虛集三
八八文

誦是書疫疠不能染得明是書地獄不拘攝得行是書天堂
自快樂是書在處空中常有金光交射虛室生白人若見之
延壽六六供養信受其福無邊况堅修而勤行乎

白敘啟後章第三十五

會稽鄙夫幽谷朽生挾懷樸素不樂權榮棲遲僻陋忽畧利名
執守恬淡希時安寧晏然閑居乃撰斯文歌敘大易三聖遺言
察其旨趣一統共論務在順理宣耀精神神化流通四海和平
表以為歷萬世可循序以御政行之不繁引內養性黃老自然
含德之厚歸根返元近在我心不離已身抱一毋舍可以長存
配以伏食雄雌設陳挺除武都八石棄捐審用成物世俗所珍

羅列三條枝莖相連同出異名皆由一門非徒累句諧偶斯文
殆有其真礫硤可觀使予數僞卻被贅愆命參同契微覽其端
辭冥意大後嗣宜遵委時去害依託邱山循遊寥廓與鬼爲隣
化形而仙淪寂無聲百世而下遨遊人間敷陳羽翮東西南傾
湯遭厄際水旱隔并柯葉萎黃失其華榮吉人相乘負安穩可
長生

上陽子乃重宣此義而說偈曰安穩可長生長生無劫年大
道難思議還丹奚變遷火煉金爲體土尅水爲圓初伏十六
兩嚙吞上下茲常配以伏食歸根而還原草木非同類金石
皆棄捐審用窺造物世俗珍此鉛清淨得真修殷勤斲自然

道藏輯要

參同契
上陽子注

全

虛集三
X川X

三聖寶金經積功善結緣蒸煉玄元始太上命精延刀利高
嵯峨育帝攝上玄泥丸耀神輝赫赤覆八鸞大羅齊玉京丹
鳳迴翮躡洞章振九都鬼魔咸首愆楊枝甘露漿鋪敘聆其
詮皓靈布元化劫劫金口宣齋戒誦一遍積逮沉疴痊七遍
至九遍乾坤逆回旋百遍至千遍奏名玉帝前萬遍不輟休
火裏生金蓮種民無色界給君度大千金童散天華玉女掌
瓊筵靈風響層霄梵炁蒸芝田五老勤錄籍四協較宸篇景
霞蔭羽蓋太清浮紫烟渺渺龍漢上銓功詣瑛鮮億劫巨綿
綿金光煥萬天神霄九陽會洞妙高上仙